

Yeshua: e Eskudo di Dios!!!

Awor Felipe a **buska i haña** Natanaèl i a bis'é: "**Nos** a haña **Esun di Kende Moisés** a skirbi den e **Lei** i di **Kende e Profetanan** tambe a skirbi. Ta **Yeshua; Jesus di Nazarèt**, yu di José." (**Juan 1:45**).

Yeshua; Jesus di Nazarèt: e Lei di Dios Tata!!!.

Despues di e kosnan aki **Palabra di SEÑOR** a yega na **Abram** den **un vishon**, bisando: "No tene miedu, **Abram, Ami ta un Eskudo pa bo; bo Rekompensa** lo ta masha grandi mes." I **Abram** a bisa: "**O Señor DIOS**, kiko lo **Bo** duna mi, siendo ku mi **no tin yu**, i ku ta Eliezer di Damasko ta e **eredero** di mi kas?" I **Abram** a bisa: "Komo ku **Bo** no a duna mi **desendensia**, un ku a nase den mi kas ta **mi eredero**." I mira, **Palabra di SEÑOR** a yega na dje, bisando: "E hòmber aki **lo no ta bo eredero**, ma **un ku lo sali** for di bo **mes kurpa**, esei lo ta **bo eredero**." (**Génesis 15:1-4**).

Yeshua; Jesus di Nazarèt: di Kende e Profetanan di Dios Tata tambe a skirbi!!!.

O Dios, nos Eskudo, opservá i mira e **Kara di Bo Ungí**. Pasobra un dia den **Bo pationan** ta mihó ku mil dia pafó. Mi ta preferá di para na entrada di e **kas di mi Dios** ku biba den e tèntran **di maldat**. Pasobra **SEÑOR Dios** ta **un solo** i **un Eskudo**; **SEÑOR** ta duna **Grasia** i **Gloria**; **E** no ta keda sin duna loke ta **Bon** na esnan ku ta kana **den Rektitut**. (**Salmonan 84:9-11**). Tur **Palabra di Dios** ta **Puru**; e ta **un Eskudo** pa esnan ku ta tuma **Refugio** den **DJE**. (**Proverbionan 30:5**).

Ta kon Felipe por bisa: "Nos a haña **Esun di Kende Moisés** a skirbi den e **Lei** i di **Kende e Profetanan** tambe a skirbi. Ta **Yeshua; Jesus di Nazarèt**, yu di José."

Felipe por bisa esaki pasobra:

- Yeshua ta e Palabra di SEÑOR.**
- Yeshua ta e Eskudo.**
- Yeshua ta e Rekompensa.**
- Yeshua ta e Ungí.**
- Yeshua ta e Grasia.**
- Yeshua ta e Gloria.**
- Yeshua ta e Palabra di Dios.**
- Yeshua ta e Bon.**
- Yeshua ta e Rektitut.**
- Yeshua ta e Palabra.**
- Yeshua ta e Puru.**
- Yeshua ta e Refugio.**

Ta pa e motibu aki Yeshua a bisa:"pasobra si boso a kere **Moises**, boso lo a kere **Ami tambe**; ta di **Ami Moises** a skirbi den e **Lei**" (**Juan 5:46**).

18 ougùstùs 2019

Sea Bendishoná ku e Amor di Dios Tata; Yeshua Mesias
Un Fiel Sirbidó di Dios,
Remsly L Riley